

四庫全書

集部

欽定四庫全書

皇清文穎卷七十四

詩

七言律詩

賜假南歸恭賦紀

恩詩四首

張英

臣心寸草由來久未敢封章達

至尊每見青郊陳麥飯思乘春水到柴門上書幸恕愚

情迫

當宁偏承

詔語溫迴憶此身依日月芸編香案十年恩

典學筵開久侍觀龍綃几碧雲端風亭展卷都忘暑
溫室披圖豈避寒日旰坐當樓影直宵分聽徹漏聲殘
法天行健誠稀覲蠡見惟愁測海難

自離疏屨入觚稜碧落丹霄十二層別苑每隨臨水殿
御筵常近讀書燈靜從秘閣聽鈴索晚向天街望玉繩

賜食

禁庭陰芙蓉照水紅欄遠
秔稻吹香

御苑深湛露同沾

明主澤幽風作頌侍臣心
幾人曾到甘泉館
柳岸花蹊
取次吟

內製薰爐出禁闌
鏤金錯采碧琅玕

御筵移得香猶在
溫室分來火未寒
沉水烟常凝玉篆
博山雲自起龍團

賜書百卷家藏久
斐几湘簾與對看

昌瑞山晚眺

張英

地接東溟海氣黃
橋山弓劍枕崇岡
千林春色還秋色
萬嶺朝陽與夕陽
雲近

園陵多駿隼月臨
關塞迥蒼茫幾迴
步屨鸞旗後涕泗
西風

輦道傍

乙亥六月二十日奉

召至暢春園

賜食於韻松軒

賜宴於淵鑑齋宴畢敬觀

御書於佩文齋

賜御筆書扇並紅白千葉蓮各一瓶恭賦四章同

召者戶部尚書

臣

廷敬原任左都御史

臣

鴻緒學士

臣

藻少詹事

臣

士奇太常少卿

臣

杜訥督捕理事

官

臣

會恩侍講學士

臣

夔庶子

臣

岳頌及長男

侍講學士

臣廷瓚

張英

時和鳴鳥聽雖啗避暑亭臯愜

聖懷苑柳涼生

宣政殿渠蓮香繞讀書齋林幽地靜烟霞古徑轉谿迴
水石佳惟有侍臣

恩眷渥木蘭舟泛到

冀階

萬幾臨御久精勤暇日

皇情涉典墳窓度竹風彌靜遠簾垂花氣更氤氲芸香
披卷侵晨色蓮漏觀書達夜分水變墨池何足訝琳瑯
千軸盡奎文

過雲亭畔列芳叢景物人間迥不同玉蕊乍驚天上樹
荔枝初見嶺南紅雕欄鳥語瞳矐日水殿蘭香澹蕩風
總是生成饒雨露擢英競秀碧霄中

自昔詩稱玉井蓮錦堂今見露華鮮重臺異種蓬壺客
碧藕竒姿太夜仙餅貯荷香分渥澤舟移花影度晴川

一從拜賜芙蓉闕日日清芬几席前

侍宴外藩郡王

賜石榴子恭紀

陳廷敬

仙禁雲深簇仗低
午朝簾下報班齊
侍臣蚤列名王右
使者曾過大夏西
安石種栽紅豆蔻
火珠光迸赤玻璃
風霜歷後含苞實
只有丹心老不迷

講筵

賜紫貂文綺白金恭紀三首

陳廷敬

去歲含毫侍

玉墀錦裘天上拜

恩時衣冠曙色交

龍袞鵷鷺春溫集鳳池

禁苑久依簪筆地直廬重詠

賜貂詩微勞一髮何曾効輕暖頻年媿

聖慈

賜貂

紫綬青綾出尚方

恩深奏謝閣門旁機絲巧度金梭月刀尺頻霑錦綺香
袖拂螭頭爐氣暖步隨龍尾珮聲長許身

袞職無能補空睹宮衣滿篋箱

賜文綺

榮光

賜予報重重內裏分金勅禦冬赤縣尚鐫初進字瑤函
纔啟

御前封記

恩未忍輸泉布索米重教罄釜鍾不羨長門工賣賦腐

儒執簡慶遭逢

賜白金

奉

命祭告北鎮

陳廷敬

使星十道出

王城獨奉函書到上京大漠北來砂磧盡神山東望海

雲生鶯花舊日朝

陵路楊柳春光出塞情曾是

翠華游歷處臨軒故遣侍臣行

世祖章皇帝御書正大光明四字

上御製題跋勒石

賜觀於

內殿恭紀

陳廷敬

曾侍

先皇近玉除龍鸞重捧九霄書

兩朝寶翰輝天府奕葉奎文映

禁廬典冊星雲光絢爛勛華日月氣扶輿還思開國規

模遠金匱藏編在石渠

聖德萬壽詩十二首

有序

陳廷敬

伏惟德並乾行純嘏允符
函蓋光齊日照遐齡永
配曦輪欣逢景運之隆
慶洽承平之盛陽春發育
喜萬彙之蒙庥化域和
恒咏九如而獻祝

臣廷敬

恭覲我

皇上禎符誕握寶籙弘膺
居正體元備聖人之全德
履仁蹈義躋天下於咸寧
有生民未有之奇道隆三

古兼前代未兼之業功蓋百王文命敷而風教式
於九圍武烈昭而聲靈振乎八極既高蕩蕩巍巍
之績復溥穹穹厚厚之恩偕闡澤於神人徧謳歌
於中外蓋以肇天極而修人紀用是闡

皇綱而恢

帝紘昔當初臨寶祚之時正是孝事

慈寧之日

重闡問以為君何欲我

皇答曰圖治愛民曾傳

聖語於當年言為經而辭為緯果見太平於今日治已
定而功已成猶思由後以視今每念謹終其如始
廓明德新民之量廣錫類不匱之原存心養性以
達天主敬立誠而體道

容儀清穆肅雍殫昭事之虔

齋祓潔嚴享祀盡明禋之實危微精一接統緒於勲華
濂洛關閩會淵源於鄒魯籤分甲乙探冊府之藏

卷歷丹黃發圖疇之秘西清東壁古今絕企夫

天章二典三謨前後允推夫

御製並虞廷之什義兼周雅之長超唐人之篇理取宋

儒之正冠六文而首出邁八體以遐標玩程頤即

此是學之言契神化於形聲之內愛公權心正筆

正之語運經綸於文字之中宮漏未移已布千言

於紙上封章纔罷早迴萬象於毫端貫乎百家而

我學不厭游於六藝而惟聖多能玉尺儀天溥博

如天之大土圭候日昭明如日之新春蒐夏苗適
修軍國之禮投戈講藝不忘弧矢之威凡此躬行
心得之精微具見

帝德宸修之廣大奉

東朝之鼎養允矣孝慈操北斗之璣衡皇哉作述龍樓
鳳閣光華朗映前星玉葉瑤枝芳馥長凝叢桂克
勤克儉建昭代之儀型是訓是行彰清時之法守
體節用之指約省百倍於前朝弘並下之規德澤

頻施於萬姓惜金錢於太府無非寬閭左征徭減
玉食於尚方正以裕民間積貯時頒渙汗蠲逋歲
至再三屢沛絲綸賜免動逾千萬當爰書之覆奏
必惻怛於

宸衷祥風轉草色於園扉協氣應星光於貫索夫自

端居燕寢無時不以黎庶為心至於問俗觀民隨在必

以補助為事鑿車駕而需雲布慶翠旗指而解澤

滂敷河淮為國計攸關疏濬悉

聖謨所示山川永奠春回禹貢之區漕輓咸宜人樂我
朝之制良由無遠弗矚視萬里如目前以故靡舉不神
運天下於掌上在昔逆藩蠢動致勞天討遐施一
怒而安四海之民一舉而靖三方之亂彼有元之
餘裔曾負固於窮邊奮我武之惟揚七旬弗俟殄
累朝之不逞彌月而平海不揚波郡縣盡臺灣之
地野無斥候享王來域外之人迨喀爾喀歸依憐
冒之中廼噶爾丹自棄生成之外

神謀獨斷

廟算無遺朔漠

三臨銘勒天山之表羽林大捷塵清瀚海而遙慕義嚮
風日出悉冠裳之會同文合軌月支皆職貢之邦
惟

聖主過化而存神故

王師有征而無戰所以行焉斯效動罔不臧總明目達
聰之休弘集思廣益之美自執河魁之柄

睿照遐周高披天鏡之光物情畢鑒規模弘遠令甲宣
昭轉輸通遼海之舟航水利興西北之農畝積倉
平糶以逮窮簷發粟截漕以蘇澤國郵傳用恤而
恩渥興徒醴稅是輕而惠流商賈頻宮壁水奉箴
勸以欣榮魚服豹韜感投醪而鼓勵仕循資格而
立賢無方才許薦揚而用人惟已時施仁於後世
每致憫其嗣人念臣子末路之艱見覆載兼容之
大凡沾雨露思竭涓埃共荷帡幪罔酬高厚今者

歡呼遍於率土忭舞極夫含生雲燦星輝轉洪鈞
於一氣麟遊鳳集開壽域於遐荒八千歲為春秋
籌增太乙億萬年齊甲子世躋華胥昔天保頌岡
陵推誠受祿及幽風陳忠愛歸嚮稱觥臣廷敬忝
列侍從之班幸際雍熙之代伏覩

聖德廣運同歡

萬壽無疆謹獻

聖德

萬壽詩十二首管窺蠡測而莫罄歌衢擊壤以難名

臣

不任踴躍歡忭之至

泰符運啟

帝圖昌還識流虹繞電祥鳳歷紀元天並永龍飛當午
日初長仙桃結子春三月御柳垂條歲萬行正是艷陽
逢

聖節紅雲高捧玉爐香

日暖花明紫禁林風迴青鑠漏沉沉萬幾宵旰三天事

四海昇平五夜心
雨露恩流金闕外
桑麻春長玉階陰
億年齊上無疆祝
總為憂勤世載深

聖質天齊凝寶命

神霄地迥照人寰
山河環拱眾恩上
日月高臨藻火間
八表驩聲歌

帝則萬年春色駐

龍顏

皇圖開拓要荒外
柔遠何曾閉玉關

講席經函列

御筵淵源盡闡魯庭傳文成偉論高謨典詩就新篇達
性天載詠光華同舜旦深明歷象定堯年仰觀俯察鳶
魚妙道契羲皇一畫前

丹地金鋪淑景新綺疏明淨對花茵

九霄清晏心無事萬卷詩書筆有神璀璨

宸章懸斗極龍鸞

聖藻麗星辰六文八法流傳盛光被誰能比

一人

龍文五色護瑤牋拜賜恩華自日邊開處春風彌宇宙
捧來瑞氣出山川香含月樹枝枝秀朗照驪珠顆顆圓
琬琰恭樞垂寶榻維南同壽永留傳

神威征伐久旋師灌燧銷烽正此時一自三迴臨朔漠
遂令萬禩靖邊陲玉鞭畫舉靈泉出金甲宵明

御寢遲北斗天南回望處於今中外盡雍熙

節儉

皇家邁昔王

聖心原為恤農桑止須制用供天府直使流膏徧下方
疊見金錢蠲百萬還思玉粒自倉箱陽和到處人歡樂
春日春隨日正長

耕織新詩出上闌情殷稼穡詠艱難恩添瀛海波瀾濶
人到中天歲月寬繡壤風輕飛玉燕瑤池水暖浴青鸞
吳綃並寫來王會若木流沙總莫安

黼座慈雲下碧空普天人在太和中祥刑德與唐虞並

育物心將造化同丹鳳

九重銜赦草金雞一夕報春風
遐荒盡是康衢地處處謳歌達

帝聰

荷耒倚杖野農情每聽

音車為省耕瑞日早迎仙蹕上彩雲時
傍翠旗生華封人進三多祝嵩嶺神傳
萬歲聲江北江南長望幸五年今得見
巡行

虞廷威鳳喜來儀麟趾文祥福履綏曠代光榮逾鎬飲
萬年祝頌叶邠詩春雲瑞雪迎三正甘雨和風順四時
仰荷栽培同寸草冀階還與露華滋

召見

乾清門承

旨充日講起居注官恭紀

史鶴齡

幾年倖直

禁庭陰夙夜常懷捧日心宣室忽隨仙仗入承明初拜

主恩深毫分五色簪成筆書上千秋鑑是金治比虞廷
方鼓瑟賡歌何幸入韶音

扈

蹕南苑應

制

史鶴齡

曉隨仙仗出神京爽氣欣看翠岫橫
豹尾聯鑣依日麗
龍輿馳道御風清柳垂金殿千絲裊
水落銀橋萬玉鳴
聖主巡遊來上苑天衢雲淨馬蹄輕

南苑進講恭紀

史鶴齡


獵馬平原正夏初
鑿坡朝罷更陳書
儒生敢謂三冬足
聖主彌勤五夜餘
御鼎濃香浮殿陛
宮槐清蔭滿彤除
文章早誦相如賦
報國寧容上子虛

賜白櫻桃恭紀

史鶴齡

櫻桃原出上林紅
忽訝冰姿萬顆同
宿雨漫教瓊玉瑩
曉霞常映水晶融
宮鶯欲啄疑珠露
綵燕驚翻避雪風
今日承

恩天澤渥翠龍擎賜自瑤宮



皇清文穎卷七十四

欽定四庫全書

集部

皇清文頴卷七十五至
七

詳校官檢討臣朱依昊

主事銜臣徐以坤覆勘

覆校官中書臣田尹衡

校對官中書臣王彝憲

謄錄貢生臣李毓圖

欽定四庫全書

皇清文頴卷七十五

詩

七言律詩

康熙辛酉季春

上駐蹕馬蘭峪

召扈從諸臣

賜觀湯泉應

制四首

李 霽

烟樹蒼蒼古薊門
山川競秀發泉源
靈沙暗漱雲根暖
玉液潛通地軸溫
孝奉

慈宮時進御澤流
寰海盡承

恩共瞻別殿祥風
轉樸素還欽儉德
尊

馬首嵐光翠染衣
溫湯勝境望中微
久霑

聖澤松杉秀頻沃
靈泉芝菌肥環衛
令嚴千騎肅

寢園地近五雲飛
侍臣趨召承

天語拜手欣傳盛事稀

俯鑒纖毫百尺明銀塘石甃自天成翩翩舞蝶金錢下
感沸跳珠玉碗盈暖律何煩吹黍谷醴源尤羨傍

佳城

翠華頻至非巡幸霜露應知感

聖情

福泉雲岫冠黃圖何幸叨陪法從趨香霧已看蒸沆瀣
天池殊勝濯蓬壺陽和徧滿春臺樂遊豫謳吟化日敷

寵渥同霑凡骨換長令翹首憶仙都

湯泉應

制三首

梁清標

碧殿新從勝地開塞垣霽色入春臺侍臣並挹金莖露
泰谷何煩玉琯灰翠嶺籠烟迎

鳳輦黃鸝過雨嚙宮槐

六龍豈為宸遊到早晚

慈幃問寢來

巖栢森森翠影蟠桃花春泛響流湍繚垣製古無雕繪
水殿泉香勝畹蘭清鑑曉開雲霧濕綺窓夜宿斗牛寒
叨陪

法從同瞻眺十九臣如挾纊看

舊遊風物尚依稀何幸承

恩傍翠微甘載泉聲重入耳千峰嵐氣欲生衣瀾迴玉
砌鮫人吐手散青蛭蛭蝶飛矯首丹厓頻駐馬

璇宮樹色綰斜暉

湯泉應

制三首

魏象樞

氤氲佳氣藹陽春一鑑中涵應

聖人浴日全歸千尺水分流合潤九州民晴烟曉覆

行宮樹夜雨先清

輦路塵自是

君恩時下濟餘波渥處及衰臣

大壑層巒抱碧隈湯泉勝蹟擬蓬萊山龍隱躍徵文物

地德溫和助壽杯雲擁

翠華巡幸出星高水殿問安迴

慈宮頤養多嘉悅孝治端從

聖主開

陽和滿地豁重陰

詔錫臣工次第尋甃石四圍池貯水傍巖千樹栢成林
橋山弓劒瞻依近部屋桑麻擁護深不比華清傳勝事
吾

皇舉動萬年箴

湯泉應

制二首

項景襄

銅龍門外翠旗開
鳳輦聲從長信來
只愛沸潭能益壽
不煩承露起高臺
被除水面宜春日
警蹕山頭隱畫雷
常慶萱花榮

北闕愧無蘭草補南陔

別殿重軒近接溪
羞將丹刻侈銅鞮
半牆碧瓦朱闌外

一帶青松翠巘迷，止有玉繩低鐵鳳。
更無金壁飾璇題，溫泉宮室曾稱盛。
難與堯階

聖德齊

湯泉應

制三首

蔣弘道

山開蘭峪建旌門，瑞藹龍蔥擁

至尊德澤湯盤經，歲月澤通舜海倍潺湲。
一池影自連雲碧，萬斛波因浴日溫。
流到人間餘潤遠，幾多草樹沐

榮恩

別苑承

歡仰

聖衷巖邊水殿迥凌空九天遙發

重闡駕萬壽期延

文母躬澹蕩風薰湯谷外澄鮮月映福泉中規模依約
茅茨意不比華清更築宮

天語傳呼賞碧潯得瞻勝地

主恩深暖同黍谷曾吹律潔比湯盤共洗心魚藻池中
紛隱躍鯨波海外漸消沈願將神水分河潤灑作人間
早歲霖

湯泉應

制四首

吳正治

鬱盤佳氣拱

神京勝地時經

御輦行夾道烟嵐開帳殿凝空蒼翠閃霓旌谷吹暖律

春常在水泛陽和澤自盈

天語欽承忻賜矚臨流應識豫遊情

金根移駐六龍從松檜陰森結蓋重湯沐分來赤縣近
暄波通處綵霞封

璇宮愛日還調膳繡甸祈年好勞農
帝德性成隆孝養瑤池長映月明峰

祥風澹蕩拂潺湲細草穠花媚

聖顏修禊恰當穀雨後濯纓疑在斗牛間階仍舊址茅

茨樸碑記遺文石鮮斑彷彿榮光呈瑞色浴龍池畔繡
旗間

崆峒曾說降軒皇疊嶂凌霄接大荒勢扼關河占脈厚
形蟠

園寢發泉香遙聞鐘磬諧韶夏悵望弓裘感露霜縹緲
丹梯誰可到幸陪仙仗五雲傍

湯泉應

制四首

李天馥

一路垂楊畫裏津祇園喜奉

玉音頻逶迤繡巘來仙梵宛轉青谿護谷神勝地効靈
資遠澤名山毓瑞慶長春共驚造物真奇作大陸茫茫
纍廣輪

蒼松紫柏望重重燠透雲根傍火龍迸溜倒傾銀齒白
澄波深浸玉芙蓉烟嵐瓦碧魚鱗合露蘚階青雁齒封
淑氣龍葱涵夕照渾疑身在祝融峰

共染氤氲禮福泉層巒環拱翠微天流霞澡德資純孝

靈液痊疴永大年細顥浮花珠媚日回欄排鏡玉生烟
重修都本茅茨意不費官家少府錢

天然位置自巍峩猶是香巖舊補陀似藉烟霞成錦繡
不將金碧易藤蘿祥光鬱作

橋陵瑞暖氣蒸為宇宙和深幸小臣逢盛事追隨還欲
賦卷阿

南郊陪祀

王澤弘

九霄仙樂向空浮縹緲香烟動翠裘淑氣一陽迴縵室

神光五夜燭圜丘星辰近接瑤臺上閭闔遙從絳節遊
最是休徵趨盛德百靈奔走盡懷柔

先農壇陪祀

王澤弘

明禋自古重先農路轉千旗從六龍青柳已霑郊甸雨
曉雲常護石壇松精虔特展

皇家祀肅穆遙瞻

聖主容從此史臣書大有萬方歌頌樂時雍

南巡詩八首

田雯

駘蕩春光二月同霓旌畫戟

帝城東路河新柳參差綠上苑晴霞罨靄紅七校平分
芳草岼千帆斜挂杏花風十年未及巡南國每為蒼黎
動

聖衷

金隄竹健碧痕侵靈府還勞壁馬沉乙夜長繙溝洫志
宣房先賜水衡金犇騰漸息河公勢底定皆知

聖主心玉檢赤文傳

廟略澄清重見屬車臨

黃不分流淮不東肯教中澤有飛鴻喜聞布穀鳴鹽漬
深鎖支祁閉水中江左苔生圜室碧淮南粟發太倉紅
宅田三載寬租調無待幽詩播國風

山市春陰水市霞綠疇襟帶受風斜地官早上職方志
天語長詢農父家用里林泉留與曠石湖烟水賞清華
道傍聽唱迎

鑾曲牽纜芳洲放棟花

越角吳根一水分隔江風動迓南薰橋邊花亞飛龍轡
亭腹波涵控鶴軍帳蓋平連湖嶼色布金遙散講堂雲
諸天驚嶺皆歡喜法雨香來滿徑聞

平林西望秣陵關鍾阜春花滿地斑

仙仗全依石城樹春旗半卷六朝山長干市下歌

湯網舊墅衢前識

舜顏渺渺秦淮如帶水戀恩猶自日潺湲

乘來畫舸勝金輿水檻香濃翰墨舒風雨忽生青鏤管

烟雲欲潤玉蟾蜍
篇章清廟生民什
文藻王謨帝典書
扈從諸臣皆有賜

天章琬琰紀恩餘

法駕初歸槐序宜
芊眠麥信午風吹
回颿次第喧金鼓
繞殿斑斕簇羽旗

玉案紅雲傳刻漏
銀臺碧樹引朝儀
儒臣遞進河清頌
不數卷阿召伯詩

東巡扈從三首

孫在豐

薊州道中望盤山

天門縹緲樹冥冥，巖作雲根翠作屏。
終古幽泉冷澗壑，何年春雨劖芝苓。
東迴滄海連三島，北擁橋山護萬靈。
聞道禪關七十二，望中遙指一峯青。

渝關

唐時所建一名臨渝關以臨渝水故名

渡臨渝水問渝關舊是唐宗甲，馬還兔走蕪田飛羽落。
人耕沙磧戍樓閒，燕然千里寒無樹。盧谷三邊鎮有山，
輦道春風迴灑處。氊裘細著雨痕斑。

遼河

一名句驪河河之西曰遼西東曰遼東出靺鞨北諸山中經塗山至洪州崖頭牛家

莊出梁房口入於海

句驪一派此朝宗源繞塗山百谷中地向岐豐成帶礪
水分瀍澗作西東金鰲浪拍連滄海鐵鳳雲高舞大風
自有神鯤歸

帝網渭川應是載非熊

綏遠功德詩四首

王掞

慶集共球萬國同綏邊籌策

廟謨雄

一人獨展懷柔略絕域隨收底定功武烈風行沙漠外
恩膏春徧幅幘中遐荒億載無攜貳早見天山挂柘弓
翠華飛處望來蘇夾道喧闐萬歲呼襁負歡迎無小大
壺漿拜伏共妻孥周廬日麗旌旗合帳殿雲開劒珮趨
重譯來朝爭貢篚儼然王會一披圖

雨露雷霆控馭宜赤心推置為分旗直教身臂相聯屬
祇有恩威與繫縻舊號析圭資帶礪新銜班秩比星基

從茲永作

天家翰保塞輸誠聽指麾

聞聞振旅度龍沙匝匝風雲

輦路賒已見羣方銷舉燧更看絕塞息鳴笳名王跪擁
狼頭纛天馬牽隨豹尾車飲至策勲須布告相期共草
玉堂麻

五月十日

上命侍直南書房

恩賜

御書臨蘇軾書陶潛詩一幅恭紀二首 徐嘉炎

詔許儒臣侍執經薰風長日拂雲屏圖書玉架晴繡碧
殿閣綳簾晝擁青羣捧

龍章尊訓誥欣承

鳳簡作儀型深慚獨荷

瑤牋賜奎壁芒寒貫紫庭

陶公高潔賦歸來蘇子當年冠蜀材應識

宸衷宸逸操懸知

天藻賞奇才烟浮繭楮霞添繞墨灑麟毫翠欲開何幸
傳家珍綠筍近光長得倚雲裁

滇南蕩平恭紀六首

勵杜訥

十萬貔貅擁旆旌先鋒早已據金城戈揮斗極妖星落
劍叱風雲瘴癘清湯火幾年思救拔簞壺遍野競趨迎
殘黎喜得瞻天日踴躍軍前頌

聖明

欣傳紫甸兵銷日正值黃鐘律轉時仰慰

重闡紆

睿慮弘恢九有際昌期敷天胥慶崇尊養率土同歡展
孝思自是功成多燕喜千官拜舞集

彤墀

久憫災荒陷溺深金戈鐵騎拯蒼黔求寧元是

皇天命靖亂尤為

列祖心精意凝承應貺答潔蠲禋祀自居歆萬方來賀

昭神佑航海梯山日獻琛

軍聲遠震螺山外甲士長驅洱海邊
電擊鯨鯢衝霧雨
飈馳貔虎破蠻烟
鳳城計日班師入
麟閣開時奏凱旋
載戢干戈興禮樂
長調玉燭萬斯年

浮雲五色煥

絲綸象魏遙頒

帝澤新喜見八紘咸履泰
頓教六合盡回春
桁楊共被恩
施厚草野同沾

德意均仰荷生成遊大造昇平奕禩戴

堯仁

九重宵旰圖神畧萬世苞桑賴

聖謨旁午軍書時進講如雲餽餉屢蠲租已看耆定清
函夏猶切其咨念匹夫坐致休隆登上理生民何幸際
唐虞

四月十三日

賜遊碧雲香山諸刹恭紀二首

勵杜訥

名山咫尺繞

皇州十載蹉跎寄夢遊扈

蹕幸來依玉渚

賜閒又得到丹邱芙蓉天半千峰出蘭若星羅一望收
為愛碧雲階下水尋源徙倚向龍湫

香臺勝地說來青盤磴紆迴步幾停祇對榮光瞻

御藻漫從上界問遺經窻開巖際流雲濕花滿谿邊帶
露馨不是

君恩催蠟屐塵踪端的負山靈

恩賜

內府綵絲藥物恭紀

勵杜訥

風薰日麗屆端陽令節

恩波自上方藥製九霄成鳳彩繪纏五縷帶龍香擎來
圭璧充瑤筍捧出雲霞煥佩囊珍重還家榮

主賜華門懸處有輝光

皇清文穎卷七十五

欽定四庫全書

皇清文頴卷七十六

詩

七言律詩

滇南蕩平恭紀六首

有序

高士奇

康熙二十年十一月十三日夜滇南奏捷

臣

士奇

謹同學士

臣

英至

乾清宮

御榻前叩首稱賀

皇上天顏欣暢諭臣等曰朕仰邀

天眷四方大定今日誠為天下社稷而喜但念用兵八年道路轉輸黎民困苦又復惻然於衷大哉

王言當乾坤再造慶出非常之時尚以一夫不獲為念此

皇上好生之德上感天心式開億萬年無窮之太平也

臣在光天化日之下愛戴難名既撰

聖德神武頌奉揚鴻業忭舞之私有所未盡更賦七言

近體六章并呈

御覽雖巍巍蕩蕩莫罄萬一而朱鷺之奏康衢之謠均

有所不能已爾

葭飛玉琯一陽回快聽天南捷奏來魚鑰特傳宵禁啓
鳧鐘催動曙光開萬年元會占庥歷六宇清寧本

睿裁孝慰

兩宮情備洽懽生殿陛響春雷

百道軍符赤羽飛同時閩粵載

天威鯨山甲帳先輸款珠水樓船又解圍破竹已知長
策在投鞭旋報凱聲歸頻年戍鼓依楊柳六月還須奏
采薇

凝笳疊鼓剗孤城滿路壺漿市不驚梟獍已推餘孽盡
攬撿直掃巨妖清牂牁南去通重譯阿𤑔西來罷遠征
野老扶藜歌

帝澤熙熙皞皞樂昇平

宵衣旰食切

宸衷將帥無慙授鉞隆傳檄烏蠻歸正朔勒銘鐵柱紀

神功藁街已見誅元濟輦下喧聞殪李雄

晉李雄叛於
寧州即今雲

南府從此

至尊南顧釋羽書不到建章宮

雙龍闌下布絲綸泰運初開宇宙新頓起瘡痍思似海

弘敷雨露物皆春九州治績須羣吏萬姓懽多賴

一人省却軍供民力緩借籌不用度支頻

欣從香案侍彤雲司馬慚無諭蜀文青竿風謠時欲獻
碧雞典禮意徒殷寰中鳳綵傳

新詔聞外龍韜策上勲珥筆但將銑吹譜賡颺常戴

聖明君

車駕出達希喀布齊爾口喀爾沁廓爾沁諸部落率其

所屬伏迎道左

高士奇

直北幽崖早向誠不須更築受降城職方紀載梯航路
王會傳呼拜舞聲紅綻邊花迎雉扇青搖巖樹轉龍旌

太平遊幸非征伐豈是元封自勒兵

五日

西苑泛舟侍宴恭紀四首

高士奇

新蒲刺刺滿瀛洲令節欣陪

聖主遊日出金支明兩岸雲移玉仗向中流嘉魚已慣
迎仙鷁好鳥偏能識翠虬香溢堯尊傾湛露

恩深漭沆總難酬

紅嶼青林閣道重凌晨霽景散千峰

是日時
雨初霽

牙檣錦幔

懸翔鳳水殿金鋪隱濯龍
仗外輕陰當檻靜筵前積翠
入杯濃此身疑是來天上
瑤島風光彷彿逢

高張廣樂播南薰寶幄樓船劍佩分
玉澗鳴泉雲際落
瑤簫奏曲水中聞槐烟密幕依巖障
藻影紛披寫浪紋
共喜昇平饒景象豈同漢武宴橫汾

仙艾靈絲傳五日蘭脩玉俎挹天漿
荷浮小葉團青蓋
榴吐新花簇絳囊自有輕舠爭奪錦
不須駿馬獻穿楊

舊傳五日有過
錦蹕柳等宴

含情擬進江心鏡

唐時五日於江
心鑄鏡呈獻

多恐

名慚鵷鷺行

恩擢翰林院侍講恭紀二首

高士奇

右銀臺路曳華裾

唐時翰林院在右銀臺門內

興慶池頭

賜直廬羽翼難同阿閣鳳飛騰早化北溟魚花開繡嶺

春隨輦月滿金鑾夜著書

李白特承恩遇著書金鑾殿

千載微臣良

際會漫勞詞賦比相如

鶯遷碧落日初升出谷驚看

寵命膺豈有才華千尺錦直慚名姓一條冰鳳書特降

綸扉誥鶴綺新頒內殿綾此際

恩波真浩汗鼇峯頂上許先登

夏日直

西苑恭紀四首

高士奇

碧網丹甍閭苑中

六龍駐輦翠微宮雲牕近處衣常潤水檻開時楫可通
路接三山疑泛海臺高百尺迥凌風周廬

禁衛森嚴列隱隱仙璫下遠空

輦道青莎軟作茵
叢葢蔭蒹偏芳津
蘋灣銷夏偏宜雨
桂館招涼不受塵
虹跨長橋排雁齒
閣連飛宇次魚鱗
自疑豈是登瀛侶
珥筆叨為侍從臣

蓬壺窈窕隔塵凡
曲渚斜開錦石宮
紅蓼晚涼清竹簟
綠葵晨露濕絺衫
游魚得水閒依荇
畫鷁迎風自引帆
正喜遭逢承

御幄光天未敢荷
長鑱

勤政樓前幾暇時
古槐夾路影參差
趨

朝瑤浦呼舡渡退食

天閑

賜馬騎出水蓮房初結子沈波菱葉細牽絲何須作記
遊西苑日日螭頭一獻詩

南書房侍直詠春雪二首

高士奇

紫禁濃陰闢曉扉
高空黯黯雪霏霏
飄來滿地梅初落
吹向漫天絮亂飛
阿閣餘寒迷晝影
遙岑積素送清暉
年豐未報三冬瑞
盈尺今看遍帝畿

乍剪輕綃灑玉塵
流光淡宕總陽春
潤添百草萌將坼
融入千林葉未新
自與冰霜同皎潔
豈隨波浪作沉淪
欣瞻

御藻歌黃竹撫景先憂及兆民

恩賜

御書千字文卷萊衣畫錦扁額恭紀六首

高士奇

絳闕巍峩霄漢間
螭頭龍尾又躋攀

恩綸特自雲中沛

日馭初從河上還
淑景融怡開

壽域晴光明媚霽

天顏回翔別苑無窮勝
緩步仍隨供奉班

七曜奎文麗日星
筆端造化蘊空靈
揮來千字成俄頃
力轉鴻鈞作典型
遠汴遭逢超載籍
擬傳渥澤勒碑銘
親題縑尾昭謙德
數語真宜比聖經

回思少壯直

彤墀矢竭驅馳答

主知微效豈云勤夙夜孤踪常得託培滋蒲經秋雨摧

何早稊被春風發已遲今日

天言憐舊事

小臣

感極轉增悲

三番漠北扈

龍鑣將母陳情荷

聖朝

康熙三十六年

臣扈從

皇上親平漠北回

鑾後具疏陳情蒙

恩俞允

寒暑屢移更綠鬢山林雖遠戀

丹霄傾陽葵藿心徒切抱節松筠志未銷忠孝本來無
二事始終期不負

唐堯

十年鰥獨守荆扉母子玃玃曉夕依乞得間身榮畫錦
暫從野水悅春暉欣逢八表呼嵩節肅拜

重瞳覲日歸自此草堂多慶豫鄉人爭著萊衣

叩辭

黼宸就征鞍欲報

恩波倍覺難頭上縱教增髮白胸中猶自耿心丹再瞻
龍袞嗟身遠堅守魚磯保歲寒悵望觚稜幾回首摘毫
先已淚汎瀾

恩賜杭州新貢芥茶二器恭紀

高士奇

琅函嫩碧貢雲衢嘉瑞封題第一殊

宋政和間命稱貢茶太平嘉瑞

顧

渚春生白石乳香林名重紫瓊腴

浙江顧渚山香林洞產茶最佳

烹來

明月光初滿飲後清風暑却無歲歲

恩霑三百片晚甘滋味勝醍醐

辛酉二月引

見乾清門

命充日講起居注官恭紀

秦松齡

瞳矐曉色啓天關
玉陛傳呼侍從班
廿載重來趨鳳沼
三年今始識

龍顏淵衷默契圖書表
瓊翰高懸日月間
忝拜

新恩叅講席
纖埃何以益邱山

夏至陪祀

方澤

施閨章

雨後仙壇碧草芳遙聞

玉輅出芝房崇墉栢帶青霜氣方澤波含明月光

天仗旌旗嚴咫尺精靈岳瀆走蒼茫朝來回輦西山見
五色晴雲接建章

曉入

西苑

施閨章

新蒲古栢曉陰陰太液昆明接上林翡翠層樓浮樹杪

芙蓉小殿出波心人歌鳧藻衣冠會水奏箭韶鼓吹音
欲望

天顏真咫尺露臺迴合彩雲深

御札賜內直侍臣天花和王侍讀

施閏章

靈卉蒙將麗藻誇驚分珍饌出

天家秀疑漢殿銅池草潔比雲霄玉樹花生摘餘香如
帶露烹來仙液勝餐霞共傳藜閣承恩重不數東陵五
色瓜

勅賜翰詹諸詞臣鮮藕恭紀

施閏章

水殿傳呼

特賜榮詞臣拜舞集承明真從太液仙源出肯數蓮峰
玉井生列案一藪冰共白堆盤千片雪同清

楓宸魚藻

恩何限葵藿長懷就日情

平滇凱歌八首

陸 棻

南詔昆明舊有池遠開幕府屬清時相期入殿朝三帛

豈意當關誓

六師鶉帝夙沙終受版熊皇指霧早懸旗蠻雲瘴草從
風偃香栢還沾雨露施

長沙反側羽書多天與風雲壯止戈箐嶺欲遮庾嶺樹
盤江遙蹴晉江波已傳烏石俘王郢那許花田葬尉佗
獵罷郊原三窟盡回看兎兔舞婆娑

旆旆青旌指越雋敕書終不宥鯨鯢開疆依舊通花馬
奉使無勞祀碧雞都統印懸羅部北羽林軍返夜郎西

妖氛一著戎衣定諸葛山高息鼓輦

霜戈雪鎧渡天橋
濺水梅花遂外飄
石燕城邊開玉帳
木蓮樹底建金標
征南將令嚴無犯
逐北軍鋒勝不驕
熒熒彩雲重見處
百蠻羅拜漢嫖姚

渡瀘甲騎夜投鞭
龍虎爭如八陣堅
盡道巴人驚草木
肯教蒙氏領山川
朱旗霧向苴蘭捲
赤箭雲從石賸傳
早識西南皆故郡
仙槎勿復問張騫

陣雲烽火徹龍關
計日長楊聽凱還
壁壘精嚴連白帝

版圖遼濶隸烏蠻十行飛札標三洞一片鳴鉦響萬山
挽盡銀河兵甲洗月明不用指刀環

妖星一夜落寒芒共樂

天朝化日長繡面蠻丁芟紫棘花眉苗女摘青桑貢琛
土俗圖王會授鉞勲勞冊尚方

帝德照臨原自遠雕題鑿齒盡梯航

葡萄江水接金城露布星飛只幾程

鑾輅乘時當講狩

鳳樓宣捷共聞鉦
嵩呼劒珮來重譯
樂奏簫韶合九成
從此

宵衣垂拱治康衢
擊壤頌昇平

瀛臺

賜宴詩四首

有序

陳維崧

粵以歲次重光支逢作鄂南薰謝令西顥乘權

皇帝方居清暑之崇臺御招涼之邃館用頒大賚載衍
羣工若夫路入東華橋通西苑莎偏泥泥秋未露

以何晞樹只騷騷夜不風而自響霏微殘月銀弓
猶挂於高城歷落踈星珠斗尚斜於遠岫坐平沙
之似毯肅侯傳呼藉嫩卉以如羅遙憑宣喚赤烏
毬躍魚鑰爭鳴丹鳳書銜龍樓早闢雞人喔喔飛
繡鞚以遡催虎士駢駢翼珠珂而並入紅門窸窣
水面已維青雀之艘紫掖逶遲柳絲先隱黃龍之
舳俄傳泛艇盡許登舟斯時也太液波紅一奩鞋
鞞上林烟碧滿幃玻瓈黃頭擁畫檝以平搖長鬣

撥蘭橈而競發千衫艾葉映水蓼以彌鮮萬綬桃
花雜風荷而倍嫵鵲鵲啞啞四圍皆王母靈禽竹
栢微茫一片悉姮娥寶樹中流遙矚青為好時之
田極浦凝眸黃是昭陽之瓦誰知

帝室皇居之畔別自成村未審南唐北宋之間疇工此
畫行到瓊樓玉宇天上晴多除將鳳舸龍舫世間
秋少爰乃停綵竿弭牙檣陟陂陀沿峭蒨屢遵輦
路距帳殿以非遙幾折綵垣隔幔城而不遠山呼

以拜魚貫而前時則矐矐綺旭赭袍隨繡繖交輝
絕赫彤霞

御榻屹花磚相向忽覩紛綸之狀陳於殿廡之間夫其
疊繒成峰吹紈散霧千箱霜雪割完碧海之綃百
篚雲霞販盡平陵之綵鶴頭綾織自

尚方局內毬路錦漂從裂帛湖旁雙心檀暈

三殿齋來五福鈿窠

九重飛下璫瓏單複擬綺毳以逾溫綵繚縱橫笑豐貂

之未暖雖使量來玉尺莫罄

恩長縱令負用銅山難勝

貺重何期晝永月墮懷中詎信秋初春還袖底擎來水
涖駕鶯解妬以爭啼捧向林皋孔雀生慚而輟舞
無何而雁翅筵排魚鱗幄比沙明水淨飄颻張紕
幕三千野曠秋清重疊列華茵十二紅蘭壓架恰
照文廊紫萼成叢偏搖黼帳銀罍告濯翠釜云調
然而羊牖雉醢未便稱珍鴨欄雞纖何由示美即

或弋來紫鵠落雋永於雲端獵得黃獐致羶薌於
海上羨湘錦帶餅裹紅綾牢九既弱似飛綿薄夜
亦柔如積素抑猶未足以誇禁臠之甘而奪侯鯖
之麗也繫爾臣僚夙饜江湖之味惟茲卿尹半居
魚稻之鄉儻遂庖虛魴鯉曷用為歡若其俎乏鱠
魴安能取飫獻師芳餌乍投綸於百子池頭饗宰
雕盤旋斫鱠於九成宫外假之雷雨銀鬢颯爽以
能飛濟以鹽梅錦鬣軒騰而欲動於是頻頒琮瑋

滿漚金觥百壺急送風前之唱盞參差三雅橫飛
樹底之行杯絡繹酒痕縹碧都粘學士之袍釀色
鵝黃齊上叅軍之袂漏沉虬箭尋日影之將斜風
捲鵷班倏珮聲之欲散重申

天語倍荷

聖慈堯階忭舞冰藕堆空文囿趨蹌碧蓮委地盈襟菱
芡平拋興慶之琲珠一握葡萄徧灑平陽之銀豆
馱裝寶馬共鵷綺以繽紛攜出銅龍滿鳳城為歡

笑九衢迎問何來方朔之桃萬戶傳觀不數河陽
之果臣綴微班猥叨異數才慚鮑俊菖蒲賡燕鎬
之詩文遜班香芍藥奏橫汾之曲

西苑新晴曉色開涼飈瑟瑟鳳城隈千官秋泛芙蓉舸
七月春生琥珀杯碧甃紅墻臨鏡出金簫玉笛拂雲催
天家殿閣清如水不信真從此地來

黛幙參差紺榭通

君王新幸日華宮四圍劔佩山光內一簇貂蟬水色中

雪瀑釀來粘綠箬錦鱗斫處映丹楓
筵前忽訝秋花滿
冷艷霜欺葉葉紅

繽紛綵幣滿朝班

賜出龍紋霄漢間
乍撫霜紈冰滑笏遙擎霞綺月彎環
絲從濯錦江頭曬衣向穿針節後頒
為聽九門鴛杵急
宮袍分給侍臣還

盡日天香染紫微鳳皇闕下拜恩暉
才慚入雒年非少
人到游仙遇總稀
縹蒂攜將菱芡重雕鞍壓得菱荷歸

天南又報鐃歌競早晚彤弓勞鐵衣

瀛臺

賜宴二首

徐 鉉

翠輦朝臨太液池祥雲多繞萬年枝看花

詔許鵷鸞並宴賞偏承雨露私緩放蘭橈波蕩漾驕嘶
玉勒影參差侍臣擬獻長楊賦簪筆先歌在藻詩

柳岼旌旗拂曉風轆轤聲轉近離宮鳥銜魚子銜波白
燕覓蓮衣墜粉紅縹緲樓臺疑海上虛無簫管出雲中

釣天一醉渾如夢猶識憂勤感

帝聰

甲子元日

賜宴南書房歸

上復以肴果二席

賜及家人恭紀

朱彝尊

纔承

曲讌侍仙闈又撤瓊筵到北扉
歲酒更番移席勸

主恩一念感心微
比鄰漏下驚窺戶
兒女燈前笑攬衣
間向金坡說遺事
全家

賜食古來稀

駕幸五臺山恭紀二首

朱彝尊

圖經曾識五臺名
想見雲從帳殿生
節物乍分春
恰半登臨最好雪
初晴林香紫
鴿翻風上月黑
金蓮照地明
定有山靈呼

萬歲不徒龍象下方迎

花宮高下繞臺懷鐵鑠層層雁齒堦代郡雲山連朔郡
北街星斗劃南街千夫試轉清涼石二月如燭泰岱柴
望秩百王曾不到天教

宸藻首磨崖

恩賜

內紵恭紀

朱彝尊

上闌初日映簾犀

天語聽傳紫閣西織自珠宮加慰貼擎來紅紙驗封題

折枝花訝臨風竝掉尾鯨看戲水齊端綺入春

恩再洽稱詩彌愧在梁鸛

恩賜

御衣帽恭紀

朱彝尊

鶴紋初啓尚衣封藤帽朱絲自

九重日角乍辭宮樣穩冰紈不散

御香濃玉堂掌故傳他日清鏡衰顏話舊蹤回憶滄江
六年事笋皮荷葉釣船縫

賜鮓魚恭紀

朱彝尊

京口鮓魚二尺肥黃梅小雨水平磯乍黏越網千絲結
早見燕山一騎飛翠釜鳴薑纔

勅進玉河穿柳旋攜歸鄉園縱與長干近四月吳船販
尚稀

上御瀛臺

賜翰林諸臣鮮藕恭紀四首

汪楫

托根靈沼自年年綠葉金房敢較先華井虛傳花十丈

瀛臺真見藕三千

是日賜藕計三千枝

擎來只似移瓊樹踏出渾

疑採玉田從此碧城添勝事肯教珠實擅芳鮮

藏蕊無嫌託體卑沉淪不厭出身遲濁流那得汙清節
百折終然見素絲滿目空明秋水外一庭虛白晚涼時
金盤玉筯誰堪比雪碗冰甌且共持

拔出泥塗仗

至尊寒芳豈必在高原紛披五色終成碧落盡繁花始
見根青玉案邊銀浪湧水晶簾外白雲屯遙看敕使傳

呼處百道清芬出

禁門

鷓鴣膏與佩刀融
片片寒光落腕空
共擬截肪同瑩白
驚看切玉得玲瓏
西池舊種千年碧
太液初銷十里紅
最是承

恩逢晦日只疑捧出月明中

皇清文頴卷七十六

欽定四庫全書

皇清文頴卷七十七

詩

七言律詩

萬壽省方詩二首

韓 茨

四載親乘繼禹謨盈廷咨訪屢吁俞白雲篇裏河渠志

起居注記
河工甚詳

黃鵠舟中玉笥符

先是南巡
製圖賜河臣

已導狂瀾歸

渤澥還分餘潤及江湖功成不待宣房築自有黃龍洛

水圖

香街十字篆烟青祝

聖歡迎户不扃野老壺漿爭上食

所至獻萬民安

諸生皇極誦

傳經

祝聖道場甚盛

秋毫輒禁民咸便供帳緣攀

駕少停

陛下從今千萬歲畫烏處處有旗亭

聖駕幸闕里恭紀八首

韓 炎

朝看閭闔影瞳矐

萬乘東臨御六龍不用金泥崇泰時獨來魯壁撫秦松
宮懸疊奏聲高下疊齊親調禮肅雍今日巡遊因釋奠
陋他雲起漢皇封

唐人封禪詩千年泰山頂雲起漢皇封

一代堂廉論道時

天章雲漢肅昭垂傳心直接千秋統翼聖遙尊萬世師
德契周情兼孔思人瞻舜目與堯眉龍旂玉輅光東魯
爭頌神明禮樂姿

奎文閣下日華生承聖門前

御輦行翠蓋紅雲迎雉尾瑤函寶冊擁霓旌
罽毼璫簷前色絲竹鏗鏘壁後聲有喜

天顏剛一笑和風進講魯諸生

九成樂奏倍光昌犧象雲雷列兩行訪道肅然瞻禮器
披帷宛爾遇羹牆鬚眉默契存金石

上周覽聖蹟憑几
行教小影立像

行像諸
石刻

鹵簿親留重廟廊

特留曲柄黃傘
以示尊崇

殿上

聖人躬贊拜不須太祝與齋郎

堂廡崇高碧漢齊太初遺石想端倪

石在詩
禮堂下

杏壇檜影

垂璿製栢葉槐枝煥

御題

承聖門內有唐槐漢栢二株

十丈豐碑青染黛一泓聖水碧無

泥

孔廟遺井上命汲水嘗之

壁書想像曾留處故宅金絲蹟未迷

聖林門外鬱崔嵬氣象崢嶸壯八垓雲木秋高敷碧草
宮牆日麗淨蒿萊楷林亭畔間瞻眺洙水橋西足溯洄
起輦齊聲呼萬壽

聖人陵上

聖人來

晚出思堂步輦過愜然餘慕沛恩多祭田增後豐珠粒

詔增孔林地

十一頃

文幣頒時耀綺羅

賜衍聖公蟒服

賜額中閨旌節操

節並松筠扁額

拜官哲嗣永山河

官周公及諸賢後裔

世襲勿替吾

皇重道踰前典萬歲千秋澤未磨

早從洙泗証心源過魯追從永不諼東郡推恩增鳳詔

上

駐蹕兗州恩綸屢沛

西山采石劖雲根

特命采碑石於西山

郊壇肅祀

賢王禮

命皇子祭告

廟貌巍哉

聖主恩化日兩楹陳俎豆素王萬古道逾尊

戊午二月

保和殿侍宴恭紀

王鴻緒

瓊筵日午上蓬萊金殿平臨五鳳開雲近

袞龍當北繞春隨天馬自西來條風入檻先飄柳香氣
沾衣併放梅盛世蕃王俱款塞千秋漢武漫雄才

戊午二月

保和殿侍宴

賜玉案紅棗一金盤恭紀

王鴻緒

筵開紫殿俯晴空絕塞梯航玉帛通
花傍萸階初濯露香浮蒲葦正含風
擎來火棗心同赤拜捧金盤日映紅
莫羨安期嘗海外侍臣飽食未央宮

秋日早朝

王鴻緒

燎光晨起

禁城烏闥闔秋聲下碧梧
樂奏瓊樓傳鳳吹雲開

丹陛徹嵩呼龍媒珠勒排

天仗仙液金莖引

帝壺聞道雄藩移節鉞

宵衣頻按九邊圖

駕幸西苑觀荷

賜近臣讌恭紀四首

王鴻緒

芙蓉一片飲龍川
此日身遊銀漢邊
繞岸峰巒雲外出
傍流樓殿鏡中懸
青青田葉迎仙珮
宛宛池香入綺筵

何幸

小臣

叨侍從愧無詞藻奏甘泉

從官拊舞拜

殊恩紺幄傳來

帝語溫自是太和流玉陛不須天樂奏雲門尚方重整
芙蓉宴中使還添琥珀樽幸仰

宸襟歌在鎬額將雨露滿乾坤

已沐

君恩等賜醑却催龍舸泛芳湖薰風徐動牙樯轉曉日
晴懸水榭孤拜捧樽罍皆玉醴坐來雲浪是蓬壺臨流

還詠嘉魚什

聖澤知應水旱無

昆明重泛靄晴暉
潭影巖光入紫微
傍艦魚龍潛復見
近人鳬雁浴還飛
花間風起飄朱旆
波上雲生繞御衣
萬國雄圖同愷樂
更看

宸藻倍芳菲

乙亥六月二十六日
臣廷敬
臣士奇偕
臣鴻緒恭

詣

暢春園謝

恩

臣

英

臣

杜訥暨內閣學士

臣

藻兵部督捕理事官

臣

會恩翰林院侍講學士

臣

廷瓚

臣

夔右春坊右

庶子

臣

岳頌並

宣召同至

韻松軒

賜饌饌畢

命登舟湖山澗至

淵鑑齋觀荷列席

賜名酒時果復令內侍引至齋後遍觀嘉卉遂

命至

佩文齋恭閱

御書數百幅各

賜千葉荷花一餅恭紀六首

王鴻緒

中涓引上木蘭舟

御苑風光結伴遊兩岸柳垂青嶂密一川花泛碧泉幽

雲開似入桃源徑棹轉猶迷杜若洲應勝垂楊浮漢渚
更瞻仙仗列蓬邱

瑤齋高瞰玉河平百頃波光似鏡明西嶺翠微連檻合
東瀛雲氣拂簾生何須牛女留銀漢謾說風雷動石鯨
聖主臨淵惟鑒古泠泠山水舜琴清

淵穆

宸襟契太虛翛然塵外水雲居經營靈囿勤民暇歌詠
卷阿聽政餘案上綠沉三代物床頭黃素六朝書回翔

閨苑真何幸枚馬雄才愧不如

向陽

黼座對烟嵐座後軒亭碧樹龕滿院藤陰炎暑散一簾
香霧午風含嘉禽雪羽來天外珍果丹葩自日南學士
總饒花鳥興上林奇種未曾諳

機務清閒翰墨研牙籤玉軸滿瑤編蓬萊山作藏書館
太液池為洗硯川八體縱橫叅造化六文揮灑入雲烟
因知

睿筆超神聖曾寫鸞龍九萬箋

捧閱

奎章到日斜更從浦淑挹明霞蓮房細展千重瓣水殿
分頒五色花翠管摘來同嶽井銀罌擎出

賜天家

聖朝異數何優渥留作瀛洲盛事誇

賦得百籟坐自吟

徐元夢

兀坐高齋晝漏沉于喁窓外發清吟千般靈籟俱堪聽

一派天機何處尋
起滅漫馳空際想
悠颺忽動靜中心
老聃章句分明在
誰識無聲是大音

賦得凝冰結重澗

徐元夢

宵來颯颯起天風
凍結川冰頃刻中
浩影千尋開匹練
清光一道卧長虹
印沙鴻爪看何在
殷地濤聲聽已空
下馬徘徊詩興發
恍如身到水晶宮

已未正月二日

名聯栢梁體詩與宴

內廷蒙示

御製瑞雪近體詩恭和元韻

徐元夢

內朝扶杖入班聯新霽逾看萬象鮮

高倡正宜方白雪餘音併欲繞朱絃耄齡忝預

頒金管春晝欣逢敞玳筵颺拜總知交倣意非誇勝事
倣陳編

朔漠蕩平恭頌四首

彭定求

睿畧宣揚致太平萬方送喜集

神京鸞旂絕塞書三捷鳳管中天奏九成禹跡弘恢謀
獨斷

堯封廣闢德難名

微臣

遠伏滄江外慙悚無能效請纓

乾行豫動協天時瑞應祥徵

御氣隨草向沙場青處少泉從陸地湧來奇陰陰瀚海
臨旌鉞漠漠天山集羽旗聞道師征原不戰銀河洗甲
幾曾遲

紫塞金河款

聖朝枕戈擐甲

帝營遙飽均戰士裁

天膳寒恤將軍解

御貂穴蟻欲逃那可得鼎魚餘息故難邀降幡豎處俘

苞蘖

湯網弘開武倍昭

狼居胥頂幕烏飛百萬貔貅受

指揮豈謂嫖姚弓早賜便如細柳轡徐歸縱擒互用推

神榮竒正交攻握秘機瞻仰

聖躬勞獨甚昇平何以報

恩暉

蒙

賜御書恭紀

胡會恩

文治光昌庶績熙萬幾清暇每臨池發揮神藻山河耀
沾被深仁草木知元氣淋漓風格勁中鋒含蓄露華垂
聖人書學還躋聖天縱吾

皇百世師

書家歷代漫縱橫

聖筆琳琅美莫京衆體咸精知法備毫芒無憾信天成
萬鈞神力行間運百道榮光象外明誰向晉唐誇絕藝
千秋琬琰獨崢嶸

淵鑒齋中泚氣新

至尊染翰對芳春花朝洛水流觴日草聖蘭亭縱筆辰
寶幄爐香凝

睿思璇題墨妙注清神驪珠四百光華爛渥典何當逮

小臣

卷幅末 御題三十三年春
三月修禊日臨于淵鑑齋中

天馬篇垂寶字多風雲變化總駢羅文傳雄駿思唐牧
名叶嘉祥憶漢歌鉅麗

天葩真創闢謙冲

聖德示臨摹吳興承旨何堪數滄渤能涵萬壑波

聖德神功詩六首

翁叔元

聖皇文武太平年至德如天服九埏禹貢白狼來玉帛

堯封赤壤隸山川西方遠戍雄千騎北府神兵訓十連
每聽鼓鼙思將帥治安曾不忘戎旃

金城虵豕擾臣藩告急軍書入玉門荒服只因隣大宛
至尊親欲救烏孫五花誰許窺神算萬國惟知感

聖恩自是

天心西顧切宵衣清問日臨軒

春寒太白壑蕭關玉帳牙旗指顧間羽檄晨馳光祿塞
傳烽夜照伯顏山地先春草三千帳天供靈泉十二閑

司馬大書軍府上長留勝蹟在人寰

翠輦行宮名飲飛龍韜指授敢輕違雲橋青海驚橫渡
鐵騎天山已合圍狐兔穴焚難假息牛羊日暮竟無歸
獻俘博望齊三捷好荅昇平頌德威

金笳兵氣入黃雲傳箭邊聲和馬羣趙信城前呼

萬歲李陵臺畔響三軍風搖玉靶龍頭轉日閃雕弓豹
尾分從此域中銷戰甲好乘春雨事耕耘

上林嘉樹翠玲瓏天騎西歸甲仗雄曉月斜臨九華帳

春風猶繫六鈞弓南山誰比龍城跡北幕還輕馬邑功
幸際昇平何以報萬年稱壽未央宮

太學紀事詩四首

彭會淇

謁廟

夙昔蓬山展拜虔移官喜近

聖人前雍容導引羅衿佩親切趨承到几筵末學愧分
新絳座儒臣榮溢舊青氈回思釋褐春風日叨被
恩光十七年

釋菜

曠曠殿角啓朝暉月吉親師古禮存肅若

朝儀齊虎拜頌來法醞獻犧尊教先鼓篋歌鳴鹿潔薦
溪毛賦采繁樺燭影搖羣吏散綠陰深鎖映朱垣

齋宿

初攜襜被入西廂半榻琴書靜夜張

聖主齋宮親祝冊

小臣

清署自焚香鈴聲到枕風吹閣

栢影橫階月轉廊隱隱晨雞纔動聽橋門劔履已成行

陪祀

春秋秩祀重雍宮庭燎光齊鹵簿同鴛鴦隨班先九列
牲牢將事盡三公欣從俎豆趨承下得廁冠裳拜舞中
分胙携歸叨

聖澤也登鼎寶薦宗工

駕幸瀛臺宴賚羣臣詩五首

張榕端

皇家別館屬瀛洲藻井梧飄爽氣流琪樹千章依

鳳閣澄湖一帶抱

龍樓遙天嵐岫浮空翠近水芙蓉照素秋瞻望無殊蓬
嶠勝乾坤寧復有丹邱

簪裾曉集鳳城隈魚貫登舟擊汰開彩鷁乘風排荇渡
錦帆截浦蕩荷迴松林如蓋衣霑翠莎岸成茵佩映苔
佳氣迥浮仙仗外

六龍早御九重臺

拜

恩班退入駕行綺席弘開太液旁照水繁花明劒舄含

風雜樹奏笙簧茗傳尚食瓊漿飲饌出天庖異味嘗翹
首丹霞深鎖處

九重應進萬年觴

瑤池列幕帶迴塘午宴重霑柳蔭涼果腹已叨銀縷膾
醅顏盡覆紫霞觴暫舒笑語情方暢終秩威儀樂未央
虎拜當筵歌既醉

隆恩早已下明光

疊捧

溫綸擬飲醇泰交盛事怡臣鄰幾年載筆蓬瀛署此日
乘槎牛斗津已見戈鋌清戍壘還看禮樂慶昌辰莫言
近御偏承寵佇沛

恩波四海均

暢春園引

見恭紀

張廷瓚

西山蒼翠護

宸居簪佩趨承到

玉除地接平疇觀稼穡窓迎深綠擁圖書
柳絲細織春烟外鶯囀初調晝漏餘身入

上林深閤境揮毫獻賦媿相如

太液池

張廷瓚

御苑清流啓巨川沿隄樹色遠含烟
曉風細織冰綃薄夜月晴浮玉鏡圓
菱葉平分雙槳出藕花低覆白鷗眠
移家太液池頭住得沐

恩波十五年

名試

豐澤園紀

恩四首

張廷瓚

曉日瞳矓啓建章

六龍迎處錦成行
鏘鏘劒珮羅丹闕
渺渺煙波渡綵航
黃鳥啼殘新柳岸
輕鷗浮過白蘋鄉
行來蘿薜清陰徑
三夏炎曦漸欲忘

十畝桑陰覆竹門
離離嘉穎繞華軒
誰知紫闥宜春苑

別有青疇布穀村
蠶室絲紛水縷色
稻畦風捲碧波痕
聖人無逸崇民事
羅列幽風在禁園

澄澈池開一鏡圓
流紋如穀到階前
千竿修竹森蒼玉
幾點新荷貼翠鈿
蝶翅幽花紅雨潤
蟬聲高柳綠雲偏
長廊邃館無雕飾
風景清芬本自然

列坐濡毫滿禁林

御題含義總淵深
新傳真偽敦儒術
農事艱難軫

聖心尚膳榮頒文
陛側

天漿香散百花陰

皇仁樂育真無極拜獻徒慙瓦缶音

聖駕南巡詩六首

張廷瓚

青陽吹律入春遲

聖主東巡正此時
事重省方符舜典
制遵時邁叶周詩
層霄早看勾陳轉
薄海欣逢化雨滋
夾道肩摩齊下拜
天顏豈獨近臣知

仙樂遙聞落九天

金輿來自五雲邊
春回芳草圍行幄
風送微波放畫船
一路鸞聲花外出
五湖旌影鏡中懸
不教警蹕先除道
童穉還依

鳳輦前

黃河春浪拍天浮
伊闕龍門控上頭
千里鯨波歸大海
萬方玉粒達神洲
隄防紛獻盈廷議
疏鑿深煩

聖主憂不似漢皇
誇盛事宣房瓠子
盡安流

禹陵迢遞越山中

龍衮親臨祀典崇此日黃流勞

駐蹕當年洛水荷成功天香細結丹楹霧仙仗清含翠
栢風千載空山巡幸少一時邱壑盡春融

和風甘雨應時看儉德深宮減大官比戶久知歌樂利
天心猶自憫艱難祖蠲喜溢蒼生望

詔下聲騰萬姓歡作息總忘辛苦意

君恩常在野人餐

六師輕束羽林裝天上旌旗掣電光父老遮留還暫住

壺漿爭獻亦親嘗

九重駕出梅初綠三月

鑾回柳乍黃端拱山龍温室裏昇平佳氣照巖廊

西苑

御試恭紀

聖恩詩二首

曹鑑倫

薰風太液自逶迤重見仙萸第四枝文鷁真從天上坐
綳筵遙向鏡中窺明窓但覺雲霞潤高棟無勞彩繡施

仰止

帝心崇儉德堯階物色帶茅茨

上林筆札幾回頒委珮趨承侍從間寶饌遙分鸚鵡粒
金爐添蕪鷓鴣斑身偕彩鳳巢阿閣

恩重靈鼇戴巨山拜手屏營思砥礪叨聞

宸訓訂愚頑

聖武北征大功告成詩六首

曹鑑倫

豹尾雞翹出玉京涼州大閱振威聲半天鼓動河流却

萬竈軍歡屋瓦驚鵬鶚堡前朱旆繞鴛鴦泊上綵雲橫
太平

天子真神武止殺還須用五兵

風雷隱隱護周廬五綵龍文擁

帝車象出旌門珠瀑卷草迎

行殿綠雲舒九盤夜渡黃河水三略朝提玉帳書漢將

莫誇臨瀚海

聖人親已到狼胥

聖武臨戎賊膽寒威驚鷺鳥避旌竿樓蘭西去關門迥
姑衍南來地軸寬朝發尺書降贊普暮馳車使服呼韓
番戎頓顙軍麾下盡荷生成載道歡

棧槍既掃沛

皇仁羣醜投戈盡束身湯網恩深三面解軒臺威聳百
蠻馴蕃歌人踏關前月鏡曲風傳塞上春直畫青邱為
北戶不須戒鼓節金罍

鑾輿三駕建霓旌總為蒼生致太平款塞已看來萬國

受降何用築三城
晨迴雁磧雲迎馬
夜度龍沙雨洗兵
從此殊方歸化域
年年爭路貢瑤京

鷺鼓前驅振旅還
告功

祖廟渙恩頒千羣
龍馬來西極
萬里天山鑠北關
播穀繅絲農事競
擊轅鼓腹野人閒
普天齊享昇平樂
炳耀神功史冊間

聖武北征蕩平詩四首

李孚青

黃麾繡蓋出天家
仙輦春風引

翠華切玉昆刀裝玳瑁連錢金鎧護桃花月明巖壁傳
刁斗雲罨高壇擁纛牙

盛事軍容干氣象先聲早晚到龍沙

殊方神異啓威靈天為

王師掃朔庭列竈泉供花乳白連營莎接柳牙青椎牛
享士傳餐遍駐馬勞軍按部聽虎旅銜

恩爭淬劍欲屠鯨鯢靖滄溟

鐃歌千匝氣鷹揚

聖慮猶勞設重防
漆甲已開銅柱路
繡旂重拂玉門霜
何難兵氣銷金虎
尚賜天書赦白狼
收盡銜刀諸黨部
皋蘭直北列降王

百萬明光耀羽林
風傳畫角陣雲深
牽羊豈解彌天罪
飲鴆猶非戰士心
命合燃臍膏白草
賞懸函首賜黃金
黑山青海歌堯日
照徹龍荒大漠陰

聖駕南巡恭紀二首

李孚青

頻籌䟽濬每軒臨

特詔頒來內府金萬里安瀾知

帝力九川底績見天心功同星宿源俱遠恩比滄溟水
更深不用秋風歌瓠子


六龍到處起謳吟

自有祥風送鷁鳧挽牽豈必待烝徒安流不覺周千里
厚賚偏教及萬夫仗引歡聲盈道路棹傳謳咏滿江湖
從今煙雨垂楊岸童叟年年望舳舻

出郭望西山

彭寧求

終年挾筴事吟哦偶向城西側帽過漠漠晚烟橫石磴
泠泠朝梵出雲蘿千尋碧嶂棲真近百轉清溪入夢多
帝里自饒林壑勝幾人蠟屐到巖阿



皇清文穎卷七十七